

## اتوار 3 نومبر، 2024

### مضمون۔ ہمیشہ دی سزا

سنہری متن: زبور 23: 139، 24 آیتاں

”اے خداوند توں مینوں جانچ تے میرے دل نوں پچھان۔ مینوں آزما تے میرے خیالاں نوں جان لے۔ تے ویکھ پئی میرے  
وچ کوئی بری روش تے نئیں تے مینوں ہمیشہ دی راہ وچ لے ٹر۔“

جوابی پڑھائی: یسعیاہ 55 باب 7، 9 آیتاں

یوئیل 2 باب 12، 13، 25، 32 آیتاں

یسعیاہ 43 باب 25 آیت

7- شریراپنی راہ نوں ترک کرے تے بدکار اپنے خیالاں نوں تے اوہ خداوند دل پھرے تے اوہ اوہدے اُتے رحم کرے گاتے  
ساڈے رب دل کیوں جے اوہ کثرت نال معاف کرے گا۔

9- کیوں جے جیس قدر آسمان دھرتی توں اُچا اے اوہ سے طراں میریاں راہواں تہاڈیاں راہواں توں تے میرے خیال تہاڈے  
خیالاں توں اُچے نیں۔

12- پر خداوند فرماؤندا اے پئی ہن وی پورے دل نال تے روزہ رکھ کے تے گریہ زاری تے ماتم کردے ہوئے میرے دل  
رجوع لیاؤ۔

13- تے اپنے کپڑیاں نوں لئی بلکہ اپنے دلاں نوں چاک کر کے خداوند اپنے رب ول متوجہ ہو و کیوں جے اوہ رحیم تے مہربان قہر کرن وچ دھیماتے شفقت وچ غنی اے تے عذاب نازل کرن توں باز رہند اے۔

25- تے اوہناں ورھیاں دا حاصل جیہڑے تہاڈے خلاف بھیجی ہوئی فوج ملخ نکل گئی تے کھا کے چٹ کر گئی تہانوں واپس دیواں گا۔

32- تے جیہڑا کوئی خداوند داناں لووے گا اوہ مکتی پاوے گا کیوں جے صیون دے پہاڑ تے یروشلیم وچ جیویں خداوند نے آکھیا نچ نکلن والے ہون گے تے باقی لوکاں وچ اوہ جنساں نوں خداوند بلاؤند اے۔

25- میں ای آں جیہڑا اپنے ناں دی خاطر تیرے پاپاں نوں مٹاؤند آں تے میں تیریاں خطاواں نوں یاد نہیں رکھاں گا۔

## درسی وعظ

## بائبل وچوں

1- زبور 5:25 (توں:)، 6:8 آیتاں

5- مینوں اپنی سچائی اُتے چلاتے تعلیم دے۔ کیوں جے توں میرا مکتی دین والا رب ایں۔

6- اے خداوند اپنیاں رحمتاں تے شفقتاں نوں یاد فرما کیوں جے اوہ ازل توں نیں۔

7- میری جوانی دیاں خطاواں تے میرے پاپاں نوں یاد نہ کر۔ اے خداوند! اپنی نیکی دی خاطر اپنی شفقت دے مطابق مینوں یاد فرما۔

8- خداوند نیک تے راست اے۔ ایس لئی اوہ پاپیاں نوں راہِ حق دی تعلیم دیوے گا۔

## 2- متی 9 باب 10 توں 13 آیتاں

10- تے جد اوہ گھر کھانا کھان نوں بیٹھاسی تے ایخ ہو نیاپی بوہت سارے محصول لین والے تے پاپی آکے یسوع تے اوہ دے چیلیاں دے نال کھانا کھان نوں بیٹھے۔

11- فریسیاں نے ایہہ ویکھ کے اوہ دے چیلیاں نوں آکھیا تہاڈا استاد محصول لین والیاں تے پاپیاں دے نال کیوں کھاندا اے۔

12- اوہنے ایہہ سن کے آکھیا تندرستاں نوں طبیب دی لوڑ نہیں بلکہ بیماراں نوں اے۔

13- پر تسی جا کے ایہدے معنی لبھو پئی میں قربانی نہیں رحم پسند کرداواں کیوں جے میں راستبازاں نوں نہیں بلکہ پاپیاں نوں بلاؤن آیاواں۔

## 3- لوقا 7 باب 37 توں 39، 44 توں 48 آیتاں

37- تے ویکھو پئی اک بد چلن بڈھی جیہڑی اوہ سے شہر دی سی، ایہہ جان کے پئی اوہ اوس فریسی دے گھر وچ کھانا کھان نوں بیٹھیا اے سنگ مر مر دے عطر دان وچ عطر پا کے لیائی۔

38- تے اوہ دے پیراں کول روندی ہوئی پچھاں کھلوتی ہوئی اوہ دے پیرا تھرو نوں نال پین لگ پئی تے اپنے سردے والاں نال اوہناں نوں پوٹھیا تے اوہ دے پیر نچھے تے اوہناں اُتے عطر پایا۔

39- اوہ دی دعوت کرن والا فریسی ایہہ ویکھ کے اپنے دل وچ آکھن لگیا پئی جے ایہہ بندہ نبی ہندا تے ایہنوں پتا چل جانا سی پئی جیہڑی اوہنوں ہتھ لاؤندی پئی اے اوہ کون تے کدراں دی عورت اے کیوں جے اوہ بد چلن سی۔

بائبل دا ایہہ سبق پلین فیلڈ کرچن چرچ، آزادولوں تیار ہو یا۔ ایہہ کنگ جیمز بائبل ویاں آیتاں تے میری بیکراڈی دی لکھی ہوئی کرچن سائنس دی درسی کتاب، ”سائنس تے صحت آیتاں دی کنجی دے نال“ وچوں لیاں ہوئیاں لازمی تحریراں نال بنیاں۔

44- تے اوس بڈھی ول پھر کے اوہنے شمعون نوں آکھیا کیہ تو اسی بڈھی نوں ویکھداں ایں؟ میں تیرے گھر آیاتوں مینوں پیر تون نوں پانی نہ دتا پرایسنے اپنے اتھر و نواں نال میرے پیر پیس دتے تے اپنے والاں نال پونجھے۔

45- تو مینوں بوسہ نہ دتا پرایسنے جدوں دا میں آیاں میرے پیر چنناں نسیں چھڈے۔

46- تو میرے سر اُتے تیل نسیں پایا پرایسنے میرے پیراں اُتے عطر پایاے۔

47- ایس لئی میں تینوں آکھدا آں پئی اوہدے پاپ جیہڑے بوہتے سی معاف ہو گئے نیں کیوں جے ایسنے بوہتی محبت کیتی پر جیدے تھوڑے پاپ معاف ہوئے اوہ تھوڑی محبت کر دااے۔

48- تے اوس عورت نوں آکھیا پئی تیرے پاپ معاف ہوئے۔

#### 4- لوقا 18 باب 9 توں 14 آیتاں

9- فیر اوہنے کئی لوکاں نوں جیہڑے اپنے آپ اُتے بھروسہ رکھدے سی پئی اسی راستباز آں تے باقی بندیاں نوں ناچیز جان دے سی ایہہ تمثیل آکھی۔

10- پئی دو بندے ہیکل وچ دعا کرن گئے۔ اک فریسی۔ دو جا محصول لین والا۔

11- فریسی کھلو کے اپنے دل وچ ایخ دعا کرن لگیا پئی اے میرے رب! میں تیرا شکر ادا کر داواں پئی باقی بندیاں وانگر ظالم، بے انصاف، زناکار یا ایس محصول لین والے وانگر نسیں آں۔

12- میں ہفتے وچ دو واری روزہ رکھدا تے اپنی ساری آمدنی اُتے دہ کی دینا نوں۔

13- پر محصول لین والے نے دور کھلو کے ایناں وی نہ چاہیا پئی آسمان ول آکھ چکے بلکہ چھاتی پٹ پٹ کے آکھیا اے خداوند! میں پانی آں میرے اُتے رحم کر۔

14- میں تہانوں آکھداں پئی ایہہ بندہ دوجیاں نالوں راستباز ٹھہر کے اپنے گھر گیا کیوں جے جیہڑا کوئی اپنے آپ نوں وڈھا بناوے گا اوہ چھوٹا کیتا جاوے گا تے جیہڑا اپنے آپ نوں چھوٹا بناوے گا اوہ وڈھا کیتا جاوے گا۔

## 5- امثال 28 باب 13 آیت

13- جیہڑا اپنے پاپاں نوں لکوندا اے کامیاب نہ ہووے گا پر جیہڑا اوہناں دا اقرار کر کے اوہناں نوں چھڈ دیندا اے اوہدے اُتے رحمت ہووے گی۔

## 6- زبور 1: 51 (اوہ)، 2، 6 (توں:)، 10، 13، 16، 17، 19 (توں)، آیات

1- اے رب! اپنی شفقت دے مطابق میرے اُتے رحم کر۔ اپنی رحمت دی کثرت دے مطابق میریاں غلطیاں مٹادے۔

2- میری بدی نوں میتھوں دھو دے تے میرے پاپ توں مینوں پاک کر۔

6- دیکھ توں اندر دی سچائی پسند کردا ایں۔

10- اے رب! میرے اندر پاک دل پیدا کرتے میرے باطن وچ نویں روح پا۔

13- فیر میں خطا کاراں نوں تیریاں راہواں سکھاواں گاتے پاپی تیرے دل دھیان کرن گے۔

16- کیوں جے قربانی وچ تیری خوشی نئیں، نئیں تے میں دے دیندا۔ سو ختنی قربانی نال تینوں کوئی خوشی نئیں۔

17- شکستہ روح رب دی قربانی اے۔ اے رب توں شکستہ تے خستہ دل نوں حقیر نہ جانیں گا۔

19- تدتوں صداقت دیاں قربانیاں توں خوش ہناں ایں۔

## 7- زبور 10:16 آیت

10- کیوں جے تو میری چند نون نہ پاتال وچ رہن دیویں گانہ اپنے مقدس نون سڑن دیویں گا۔

## 8- عبرانیوں 12 باب 5 (میرے)، 6، 11، 18، 22 آیتاں

5- اے میرے پتر! خداوند دی تنبیہ نون ناچیز نہ جان تے جدا وہ تینوں ملامت کرے تے بے دل نہ ہو۔

6- کیوں جے جیدے نال رب پیار رکھدا اے اوہنوں تنبیہ وی کردا اے تے جنہوں پتر بنا لیندا اے اوہنے کوڑے وی ماردا اے۔

11- تے بالفعل ہر طراں دی تنبیہ خوشی دانسیں بلکہ دکھ داسبب لگدی اے پر جیہڑے اوہنوں سہندیاں سہندیاں پکے ہو گئے نیں اوہناں نون بعد وچ چین نال راستبازی دا پھل دیندی اے۔

18- تسی اوس پہاڑ دے کول نسیں آئے جنہوں چھونا ممکن سی تے اوہ اگ نال بلد اسی تے اوہدے اُتے کالے بدل سی، ہنیر اسی تے طوفان سی۔

22- بلکہ تسی صیون دے پہاڑ دے تے جیوندے رب دے شہر یعنی اسمانی یروشلیم دے کول تے لکھاں فرشتیاں دے کول آئے او۔

## 9- نوحہ 3 باب 21 توں 23، 40، 55 (توں دو جی)، 57، 58 آیتاں

21- میں ایہدے اُتے اُتر دار ہناں واں۔ ایس لئی میں امید وار واں۔

- 22- ایہہ خداوند دی شفقت اے پئی اسی فنا نہیں ہوئے کیوں جے اوہدی رحمت لازوال اے۔
- 23- اوہ ہر سویرے تازہ اے۔ تیری وفاداری وڈھی اے۔
- 40- اسی اپنیاں راہواں نوں لبھئیے تے جانچئیے تے خداوندول نوں پھرئیے۔
- 55- اے خداوند میں تیرے ناں دی دہائی دتی اے۔
- 57- جیس دن میں تینوں پکاریا توں نیہ سڑے آیتے توں آکھیا پئی ڈرونہ۔
- 58- اے خداوند توں میری جند دی حمایت پاروں اوہنوں چھڑایا۔

## 10- یسعیاہ 1 باب 18 آیت

18- خداوند فرماؤندا اے آؤ اسی کٹھے حجت کریئے۔ بھانویں تہاڈے پاپ قرمزی ہوون اوہ برف وانگر چٹے ہو جاون گے تے ہر چند تے ارغوانی ہوون۔

## سائنس تے صحت

1- 3:6 (لئی)۔ 5، 11-18

الہی محبت انسان دی اصلاح کر دی تے اوہدے اُتے حکمرانی کر دی اے۔ انسان معافی منگ سکدے نیں پر صرف الہی اصول ای پاپی دی اصلاح کردا اے۔

پاپ دے پاروں تکلیفاں دا وسیلہ بننا، پاپ نوں تباہ کرن دے راہیں اے۔ پاپ وچ ملن والی ہر فرضی تسکین ایہدی سانویں پیڑ توں بوہتی آراستہ ہووے گی، جدوں تیکر پئی مادی حیاتی تے پاپ اُتے یقین نوں تباہ نہیں کردتا جاندا۔ آسمان یعنی ہستی دی ہمہنگی اُتے آپڑن لئی ساہنوں الہی اصول دی ہستی نوں سمجھنا پووے گا۔

”رب پیارا اے۔“ ایہدے توں بوہتا اسی منگ نہیں سکدے، ایہدے توں اچا اسی ویکھ نہیں سکدے تے ایہدے توں آگے اسی جانئیں سکدے۔

2- 30:35 (بس)

محبت دا ڈیزائن پاپی دی اصلاح لئی اے۔

3- 1:362-11،7 (مریم)-12

ایہہ لو قادی انجیل دے ستویں باب وچ ایہدے نال منسلک کیتا گیا اے پئی اک وار یسوع کسے شمعون نامی فریسی دے گھر دا خاص پرو نانا، اوہ شمعون شاگرد بالکل نہیں سی۔ جدوں اوہ کھانا کھا رہے سی، اک غیر معمولی واقعہ پیش آیا جیویں پئی ایہہ مشرتی پروں چاری دے فہم وچ رکاوٹ بنیا ہووے۔ اک ”جنہی بڈھی“ اندر آئی۔



(مریم مگد لینی، جیداں پئی او ہنوں ایہہ بلا یا جاندا سی) یسوع دے کول پہنچی۔

4- 363:8 (کیہ یسوع نے)۔ 15، 21 (تے)۔ 31

کیہ یسوع نے اوس بڈھی نوں حقارت دی نظر نال دیکھیا؟ کیہ اوہنے اوہدی عقیدت نوں روک دتا؟ نسئیں! اوہنے بوہت شفقت دے نال اوہدی تعریف کیتی۔ تے اجیہا کجھ نسئیں ہو یا سی۔ اوہ سب جان دیاں ہوئے جیہڑے اوہدے آلے دوالے کھلوتے لوک اپنے دلاں وچ سوچ رہے سی، خاص طور تے میزبان دے دل وچ، اوہ پریشان ہندے پئے سی اک نبی ہندیاں ہوئے خاص پرونا چھیتی نال اوس بڈھی دے اخلاقی درجے نوں نسئیں جانچ سکیتے اوہنوں دور ہٹن نوں نسئیں آکھیا، ایہہ سب کجھ جان دیاں ہوئے، یسوع نے اوہناں نوں اک چھوٹی جی تمثیل یا کہانی دے نال ملامت کیتا۔

تے ایخ ساریاں لئی اک سبق دتا، جیدے بعد وں اوس بڈھی لئی ایہہ شاندار اعلان کیتا، ”تیرے پاپ معاف ہوئے۔“

اوہنے اوہدے الہی محبت دے قرض نوں کیوں معاف کر دتا؟ کیہ اوہنے توبہ کیتی تے تبدیل ہوئی، تے کیہ اوہدی بصیرت نے ایس بے ساختہ اخلاقی شورش نوں بھانپ لیا؟ اوہدے پیراں اُتے عطر لان توں پہلاں اوہنے اپنے اتھر وواں نال اوہناں نوں دھوتا۔ دو جے ثبوتوں دی غیر موجودگی وچ، اوہدی معافی، تبدیلی تے دانش وچ ترقی دی توقع لئی کیہ اوہدا غم موزوں ثبوت سی؟

5- 364:8-12

ایس قسم دے بیان نہ کیتے جان والے احساس لئی کینہوں اُچا خراج تحسین جاوے گا فریسی دی مہمان نوازی نوں یا مگد لینی دی شرمندگی نوں؟ یسوع نے ایس سوال دا جواب خود کارر استباز دی ملامت تے تائب دی رہائی دا اعلان کرن نال دتا۔

## 6- 10-3:5 (عدل لئی)، 23 (پاپ)۔ 25

غلط کم توں شرمندگی اصلاح ول پہلا قدم اے پر ایہہ قدم بوہت آسان اے۔ سیان دے پاروں جیہڑا اگلاتے وڈھا قدم چکن دی لوڑاے اوہ وفاداری والی آزمائش اے، یعنی اصلاح۔ ایہتھے تیکر ساہنوں حالات دے دباؤ وچ رکھیا جاندا اے۔ آزمائش ساہنوں جرم نوں دوبارہ کرن دی دعوت دیندی اے، تے جو کجھ ہو نیا ہندا اے اوہدے پاروں ڈکھ تکلیفاں ملدیاں نیں۔ ایہہ ہمیشہ ہووے گا جد تیکر اسی ایہہ نئیں سکھدے پئی انصاف دے قانون وچ کوئی رعایت نئیں اے۔۔۔۔

پاپ صرف اوہدوں معاف ہووے گا جدوں ایہنوں مسیح، سچائی تے حیاتی دے پاروں برباد کیتا جاوے گا۔

## 7- 13-9:7، 1-3:27 (توں دوجا)

اصلاح ایس سمجھ توں پیدا ہندی اے پئی بریائی وچ قائم رہن والا کوئی سکون نئیں اے، تے سائنس دے مطابق چنگیائی لئی ہمدردی رکھن توں پیدا ہندی اے، جیہڑی ایس لافانی سچائی نوں ظاہر کردی اے پئی نہ خوشی نہ پیڑ، نہ نکلہ نہ

جذبہ مادے توں یا مادے وچ وجود رکھ سکدا اے، جد کہ الہی سیان خوشی، پیڑیاڈرتے انسانی سیان دی ساری پاپ آلود  
پکھ دے جھوٹے عقیدیاں نوں برباد کر سکدا اے۔

کئی واری بریائی انسان داسب توں بوہتا درست خیال ہندا اے، جدوں تیکر پئی چنگلیائی اُتے اوہدی پکڑ مضبوط نہیں ہو  
جاوندی۔ فیرا وہ بریائی اُتے اپنا دباؤ گوا دیندا اے، تے ایہہ اوہدے لئی عذاب بن جاندا اے۔ پاپ دی تکلیف توں بچن  
دا طریقہ پاپ نوں چھڈنا اے۔ ہو ر کوئی راہ نہیں اے۔

8- 241:1 (بس)، 3 (تے)۔ 4-

”جیدے نال رب پیار کردا اے اوہنوں تنبیہ کردا اے۔“

--- تے جیہڑا رب دی فرمانبرداری توں انکار کردا اے، پیار ولوں اوہدی تنبیہ کیتی جاندا اے۔

9- 448:3-5، 17-19-

جدوں محصول لین والے دی آہ محبت دے وڈھے دل توں نکلی تے ایہنے اوہدی حلیم خواہش نوں فتح کیتا۔

”جیہڑا اپنے پاپاں نوں لکاؤندا اے کامیاب نہ ہووے گا پر جیہڑا اوہناں دا اقرار کر کے اوہناں نوں چھڈ دیندا اے اوہدے  
اُتے رحمت ہووے گی۔“

## 10- 5-1:291

ایہہ قیاس آریاں پئی پاپ معاف کیتا جاندا اے پر بھلیا نئیں جاندا، پئی پاپ دے دوران خوشی اصل ہو جاندا اے، پئی جسم دی ناں دی ای موت پاپ توں آزاد کر دیندا اے تے ایہہ پئی رب دی دتی ہوئی معافی پاپ دی تباہی توں علاوہ کجھ نئیں اے، ایہہ ساریاں بوہت گجیاں غلطیاں نئیں۔

## 11- 19-11:339

اک پاپی نوں ایس اصلیت توں حوصلہ نئیں مل سکدا پئی سائنس بریائی دی غیر اصلیت نوں ظاہر کر دی اے، کیوں جے پاپی بریائی دی اصلیت نوں سنو دا اے، اوس شے نوں اصلی بناؤندا اے جیہڑی اصلی نئیں اے، تے ایہہ ”قہر دے دن لئی غضب“ اکٹھا کر دا اے۔ اوہ اپنے خلاف اک ہولناک غیر اصلیت وچ جاگن دے خلاف سازش وچ رل جاندا اے، جیدے نال اوہ دھوکہ کھاندا اے۔ بس اوہ لوک جیہڑے پاپ توں توبہ کر دے تے غیر اصلیت نوں ترک کر دے نئیں، اوہ ای بریائی دی غیر اصلیت نوں پورے طور تے سمجھ سکدے نئیں۔

## 12- 25-19:404

ایہہ احساس پئی پاپ وچ اصل خوشی نئیں اے، کر سچن سائنس دی الہیات دے ساریاں توں اہم نمکتیاں وچوں اک اے۔ پاپ دے ایس نوں تے اصل منظر نوں پاپی دے سامنے لیاؤ، اوہ دے اُتے ظاہر کرو پئی پاپ کوئی سکون نئیں

دیندا، تے ایہہ علم اوہدی اخلاقی ہمت نوں مضبوط کر دالے تے بریائی اُتے جت حاصل کرن تے چنگیائی نال محبت کرن دی اوہدی قابلیت نوں ودھا دیندا لے۔

13- 30-26:322

مادے دی فرضی حیاتی اُتے عقیدے دے تیز ترین تجربے، ایہدے علاوہ ساڈیاں ہایوسیاں تے نہ مکن والیاں پریشانیاں ساہنوں الہی محبت دیاں بانہواں وچ تھکے ہوئے بالال وانگر اُپڑاندے نیں۔ تدا اسی الہی سائنس وچ حیاتی نوں سکھنا شروع کر دے آں۔

14- 9-6:323

محبت دی صحت دین والی ملامت دے راہیں راستبازی، امن تے پاکیزگی ول ساڈے ودھن وچ مدد کیتی جانندی اے، جیہڑے سائنس دے امتیازی نشان نیں۔

15- 10:23 (دونویں)-11

۔۔۔ دونویں پاپ تے دکھ ہمیشہ دی محبت دے پیراں وچ آڈگدے نیں۔

## روزانہ دے فرض

میری بیکریڈی ولوں

### روزانہ دی دعا

ایس چرچ دے ہر رکن دا ایہہ فرض اے پئی ہر روز اوہ ایہہ دعا کرے: ”تیری بادشاہی آوے؛“ الہی سچیاں، حیاتی تے پیار دی سلطنت میرے اندر قائم ہووے، تے سارے پاپ میتھوں نکل جان؛ تے تیرا کلام سارے انساناں دے پیار نوں ودھاوے، تے اوہناں اُتے حکومت کرے۔

چرچ مینوٹیل، آرٹیکل VIII، سیکشن 4۔

### مقصداں تے کماں دا اک اصول

نہ کوئی مخالفت تے نہ کوئی ذاتی تعلق مادری چرچ دے کسے رکن دے مقصداں یا کماں اُتے اثر نہیں کرنے چاہیدے۔ سائنس وچ، بس الہی پیار ای حکومت کر دالے، تے اک مسیحی سائنسدان پاپ نوں رد کر دیاں ہوئے، سچی پراہ بندی، خیرات پسندی تے معافی نال پیار دیاں مٹھیاں سچیاں داپر چھانواں بن دالے۔ ایس چرچ دے سارے رکنان نوں سارے پاپاں توں، غلط طراں دیاں پیشین گوئیاں، منصفیاں، مذمتاں، صلاحواں، غلط اثراں نوں لین تے غلط اثر دین توں آزاد رہن لئی ہر روز خیال رکھنا چاہید اے تے دعا کرنی چاہید اے۔

چرچ مینوٹیل، آرٹیکل VIII، سیکشن 1۔

### فرض لئی چستی

ایس چرچ دے ہر رکن دا ایہہ فرض اے پئی اوہ ہر روز جارحانہ ذہنی صلاحواں دے خلاف اپنے آپ نوں تیار رکھے، تے رب، اپنے قائد تے انساناں لئی اپنے فرضاں نوں نہ کدی بھلے تے نہ کدی نظر انداز کرے۔ اوہ دے کماں دے راہیں اوہدا انصاف ہووے گا، اوہ بے قصور یا قصور وار ہووے گا۔

چرچ مینوٹیل، آرٹیکل VIII، سیکشن 6۔